

Denter mund e bagat

Buca per l'emprema ga ein ils conjugals *Anja e Rafael Pally* separtizipai al campiunadi grischun da troccas. Denton per l'emprema ga han els giugau ensemen la sonda vargada a Danis. Era sch'il plaz ella rangaziun finala ha buc exnum cuntentau. Il giug da troccas fascinescha buca mo Anja e Rafael Pally, mobein ha procurau per tensiun e plascher tier aunc ulteriuras 86 trochistas e trochists ch'eiin stai presents al 16avel campiunadi grischun da troccas. (fmr/ac)

Pagina 4



Las novas campiunessas grischunas da troccas, las soras Renata Cathomas-Beer e Helena Diethelm-Beer (da sen.).

FOTOS ANDREAS CADONAU



Las troccas pon era fascinar la giuventetgna sco per exempel Elena Candinas.



«Il mund» ei la pli aulta trocca dil giug da troccas.



Sara Norina Bearth.

«Piarder il vegl fa mal»

Il campinadi da troccas ei turnaus suenter la pausa da corona. La sonda vargada ein 44 equipas semiseradas a Danis per eruir las meglieras ed ils megliers trochists grischuns. Renata Cathomas e Helena Diethelm han dumignau el giug final il duo Vitus Dermont e Sebastian Camathias ed ein daventadas novas campionesas grischunas da troccas.

ANDREAS CADONAU/FMR

«Piarder in vegl fa mal», ha *Rafael Pally* getg ed *Anja Pally* ha aschuntau ch'ei porti in bien-ton dapli satisfacziun: «Dad ir cun in vegl.» Il vegl ei il retg dil giug da troccas, ina carta che porta biars buns, respectiv puncts. Per vegls e buns han ils consorts Anja e Rafael Pally giugau la sonda vargada a Danis a caschun dil 16avel campinadi grischun da troccas per l'emprema ga ensemmen. «Nus essan denton buca l'emprema ga al campinadi.» Sco biars auters han Anja e Rafael Pally anflau il placher per il giug da troccas el ravugl famigliar. Ed en quei ravugl famigliar giogan els era mintgaton. «Ussa che nus havein in affon dad in onn e miez ei il temps per dar troccas empau pli scarts», ha Anja Pally constatau. Clar ch'ils conjugals han stuiu s'accordar in tec la sonda vargada quei che pertucca tschintzchar. Empau eis ei sco ella veta. Ins sto saver tgei ch'il partenari da troccas manegia cu el tschontscha las troccas, ni sco in gi era tscheu e leu, cu el conta. Schiglioc dat ei ina ni l'autra

malcapientscha. «Jeu vai dus tunnels», ha *Pius Desax* manegiau viers sia cungiugadura *Annalisa Cathomas* che ha sinaquei buca teniu il giug. Per displascher da *Pius Desax* ch'ei disaus da dar troccas ella Cadi. Per el annunzian dus tunnels dabia troccas. Per *Annalisa Cathomas*, disada da dar troccas ella Foppa, ein dus tunnels sco da gir dad haver in giug nusch enta pugn. En in giug da troccas san ins era spert «piarder la fema» aunc pli tgunsch va «il cavagl ali giavel» ed «il buob ston ins per regla trer suenter». Paran quellas expressiuns empau misteriusas eisi uras da consultar la pagina www.troccas.ch.

Dar troccas cul tat ni la tatta

Elena Candinas e *Sara Norina Bearth* ein stadas las pli giuvnas giugaduras al campinadi grischun dalla sonda vargada. Era ellas han anflau la via tier las troccas enteifer la famiglia. Giugar troccas cun bab e mumma ni cun la tatta ni cul tat. *Elena Candinas* ha retschiet empau investa el giug da troccas duront duas lecziuns da romontsch alla scola claustrala.

«Quei tonscha denton buca per svegliar il placher per las troccas.» Era *Sara Norina Bearth* enonuscha buca bia giuventetgna che dat troccas. Ellas han dau per l'emprema ga ensemmen troccas, sepreparadas per il campinadi ein ellas buc. «Nus savein co tschintzchar.» Las duas giuvna ein stadas fetg concentradas, ellas han giugau spert e buca meins spert dumbrau. Ed ils adversaris vid meisa han manegiau che las giuvnas giogien era bein. Entuorn miezgi eran las giuvnas aunc miez cuntentas culla raccolta. «Gudignau quater giugs e spiars quater.» Il campinadi grischun da troccas han ellas terminau sil 17avel rang. Ed ils conjugals Pally da Sedrun ein setschentai la finala sil rang 39. «Inaga vai ei bein ed in'autra ga buc, ina part dalla fascinaziun dalla troccas», ha *Anja Pally* manegiau.

Per ils organisaturs eis ei stau impurtont da puspei porscher il campinadi suenter la pausa sfurzada da dus onns. Sch'els cuntinueschan cul campinadi dad in gi ni sch'els tuornan tiel sistem da giugar duront dus dis ei aunc buca decidu.

Rangaziun

1. Renata Cathomas-Bearth/Helena Diethelm-Bearth. 2. Vitus Dermont/Sebastian Camathias. 3. Andreas Casanova/Remo Demont. 4. Astrid Cahannes/Paul Cahannes. 5. Tresa Livers/Meinrad Cathomen. 6. Flavio Huonder/Vendelin Giossi. 7. Marlis Caduff/Clau Maisen. 8. David Tuor/Marcus Manetsch. 9. Christoph Fausch/Hans-Luzi Fausch. 10. Plazi Giusep Cadruvi/Meinrad Cadruvi. 11. Margrith Cavegn/Christian Schnoz. 12. Gieri Venzin/Toni Schmid. 13. Pius Desax/Annalisa Cathomas. 14. Julian Cathomas/Carli Cathomas. 15. Peter Montalta/Norbert Carigiet. 16. Andrea Cathomas/Flurina Cathomas. 17. Elena Candinas/Sara Norina Bearth. 18. Felix Pally/Gabriela Pally. 19. Andreas Muoth/Corsin Derungs. 20. Stefania Bearth/Linus Beer. 21. Claudio Camathias/Anian Ca-

mathias. 22. Marcus Brunner/Sabina Spescha. 23. Matilda Cabernard/Franzestg Tenner. 24. Sep Cadruvi/Ivo Deflorin. 25. Astrid Duff/Zita Bass. 26. Lucas Tuor/Gion Michel Flepp. 27. Georg Bearth/Tina Hitz. 28. Ivan Muoth/Toni Cathomas. 29. Rest Giacun Dermont/Laura Jemmi. 30. Paul Marty/Andrea Marty. 31. Tumaisch Valier/Norbert Vinzens. 32. Giachen Bass/Ciril Bass. 33. Ciril Monn/Giusep Monn. 34. Fritz Schwörer/Pia Casanova. 35. Lothar Cavigelli/Vic Albin. 36. Simeon Cavegn/Emil Soliva. 37. Anita Cavegn/Reto Caduff. 38. Maurus Cavigelli/Rumetg Cathomen. 39. Anja Pally/Rafael Pally. 40. Roman Tschuur/Marcus Tschuur. 41. René Epp/Otmar Lutz. 42. Stanis Monn/Pius Monn. 43. Lucrezia Berther/Pia Blumenthal. 44. Cornelia Schmid Valentin Schmid.

«Nus savein
co tschintzchar.»

Elena Candinas e Sara Norina Bearth